

آبونه اولمق ایستینلردا اثره عدلیه ده  
اداره مخصوصه سنه مراجعت  
ایتملیدر

اعلاناتک بهرندن بر مجیدیه اخذ  
ایدیلور

نسخه سی ۴۰ پاره در

# فکرانیه محاکمه سی

سنه لکی در سعادت ایچون مجیدیه  
یکرمی غروش حسابیه التمش  
غروشدر

طشره ایچون بوسته اجرتی اوله رق  
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

## یجائییز و تحویل

[ جسر ارکنه قضاسی بدایت محکمه سی اعضالغنه ]  
جسر مصطفی پاشا قضاسی بدایت محکمه سی برنجی  
کاتبی محمد رفعت افندی

دیمتوقه بدایت محکمه سی ضبط کتابتدن مستغفی  
استاوری افندی

[ دیمتوقه قضاسی بدایت محکمه سی اعضالغنه ]  
اورنه کوی قضاسی بدایت محکمه سی برنجی  
کاتبی عبد الواحد افندی

مستخدمین عدلیه دن دیموستن یوردانیدی افندی  
[ اورنه کوی قضاسی بدایت محکمه سی اعضالغنه ]  
دیمتوقه قضاسی بدایت محکمه سی برنجی کاتبی  
ابراهیم عاصم افندی

مستخدمین عدلیه دن تاناریان ارشاق افندی  
[ قرجه علی قضاسی بدایت محکمه سی اعضالغنه ]  
حوضه قضاسی بدایت محکمه سی برنجی کاتب اسبقی  
احمد حمدی افندی

آچه آباد قضاسی بدایت محکمه سی مستطق معاونی  
احمد افندی

[ حوضه قضاسی بدایت محکمه سی اعضالغنه ]  
ادرنه مرکز بدایت محکمه سی مقاولات محرری  
رفیق محمد افندی

ادرنه استیناف محکمه سی اعضای سابقه سندن  
برایقو افندی

[ جسر مصطفی پاشا قضاسی بدایت محکمه سی اعضالغنه ]  
ادرنه ولایتی استیناف محکمه سی ضبط کتبه سندن  
نجیب افندی

جسر ارکنه قضاسی بدایت محکمه سی تجارت  
قسمی اعضا سندن خرا لامبوس افندی

[ قونیه قضاسی بدایت محکمه سی اعضالغنه ]  
یانیه ولایتی استیناف محکمه سی اعضا ملازملرندن  
عزت افندی

فیلات قضاسی بدایت محکمه سی اعضا سندن  
واسیل جیوا افندی

[ لسقویک قضاسی بدایت محکمه سی اعضالغنه ]  
یانیه ولایتی استیناف محکمه سی اعضا ملازملرندن  
فرید افندی

فیلات بدایت محکمه سی اعضای سابقه سندن  
دیمودافنه افندی

[ ایدونات قضاسی بدایت محکمه سی اعضالغنه ]  
فیلات قضاسی بدایت محکمه سی برنجی کاتبی  
فاضل افندی

لسقویک قضاسی بدایت محکمه سی اعضای سابقه -  
سندن نیقولای قوطولا افندی

[ مچوه قضاسی بدایت محکمه سی اعضالغنه ]  
ایدونات قضاسی بدایت محکمه سی برنجی کاتبی  
مصطفی افندی

ایدونات قضاسی تجارت محکمه سی موقت اعضا -  
سندن سوطیر بالا - قاک افندی

[ فیلات قضاسی بدایت محکمه سی اعضالغنه ]  
یانیه ولایتی تجارت محکمه سی ضبط کتبه سندن  
وجیبی بک

دعوی و کیسملرندن اکسنوفون افندی تعیین  
اولنش و مومی الیهک ذات شوکتیهات حضرت  
خلافتیناهی به دولت علیه لرینه صادقانه ایفای حسن  
خدمت ایده جککرینه و خلاف ناموس و صداقت  
ومقارعدالت احوال و حرکاتی ده ارتکاب الیه جککرینه  
دائر امر تحلیفلرینک اجراسی محللرینه تبلیغ و انبا  
قلتمشدر .

## تبلیغات

اعشار التزامندن و جهات سائر دن دولای بااعلام  
محکوم به اولان دینک تسویه سی ضمانتده دائرة اجراجه  
موقع مزایده یه قویلان اموال غیر منقوله یه بی سورمش  
وعهده سنه قرار داده سی کشیده قلنمش اولان مشترینک  
مؤخر آ محکمه اعضالغنه انتخاب و تعیین اولن سندن دولای  
مزایده نک فسخی و یا خود اوتوز برکون مدتک مرورندن

صکره طالب آخر ظهور ایتمدیکی تقدیرده مشتری  
مومی الیه نامه تصرف سندینک تنظیمی ایچون لازم کلان  
معامله نک ایفاسی امرنده تردد اولندیغندن بختله استفسار  
معامله بی حاوی یلواج قضاسی بدایت محکمه سی ریاستندن  
وارد اولان تحریرات اوزرینه ایجاب کیفیت لدی التذکر  
دین ایچون اموال غیر منقوله نک فروختی حقتده کی  
نظامنامه نک اون برنجی ماده سندن استنباط اولندیغنه  
کوره محکمه مأمورین و اعضا سیله مزایده بی اجرا  
ایتدیرن مأمورلردن ماعداسنک اموال غیر منقوله  
مزایده سنه داخل اوله جققری حقتده کی جواز  
نظامی یه بناء اولجه آحاد صفتیه داخل مزایده  
اوله رق اموال غیر منقوله عهده سنده تقرر ایتمش اولان  
مشتری مومی الیهک اخیراً محکمه علیه اعضالغنه انتخاب  
اولنمی سر رشته سیله مساغ نظامی دائرة سنده قبل -  
الانتخاب جریان ایدن معامله نک فسخ و ابطالی تکرار  
مزایده اجراسنی و بوده نظامنامه مذکورک اونجی  
ماده سی موجبجه بدل مزایده نک حد سابقه واصل  
اوله مدینی صورتده مومی الیهک ضرر و دعوی مصرفی  
ایله محکومیتنی انتاج ایده جکی جهته فقدان صراحت  
قانونیه یه قارشو مجاز اوله میوب انحق نظامنامه مذکورک  
طقوزنجی ماده سنده کوسترلیدیکی اوزره قراردادده  
تاریخندن اعتباراً کذار ایده جک اوتوز برکون  
ظرفده دیکر طالب ظهور یله بدل مزایده یه ضم وقوع  
بولدینی صورتده اعضای مومی الیهک تکرار ضمایم  
اجراسیله معاملات سابقه یی تعقیب ایتسی جائز اوله -  
میه جغندن دیکر طرفدن ضم وقوعنده مومی الیهک کف ید  
ایتدیرملک و عکسی تقدیرده یعنی اوتوز برکون مرور  
ایدوبده سنازلری جانندن ضم وقوع بولمیدینی خالده  
اعضای مومی الیه نامه معامله متعاقبه سی ایضا اولنحق  
لازم کله جکی انجمن عدلیه دن افاده و اولوجهله عدلیه  
نظارت جلیل سندن ریاست مذکورده یه جواباً تبلیغ ماده  
قلتمشدر .



# الحاکم فی قضاة

یافه تجارت محکمه سی رئیس سابق وصفی افندیك اوراق انفصاليه ومداغه نامه سی انجمن انتخاب مأمورین عدلیه جلدی التدقیق جواز استخدامنه قرار ورلمشدر.

ایقاع ایلدیکی ضربک تأثیریه ملا احمدك وفاتنه سبیت و برمسندن دولای جنبایله اتهام اولنان اسلام اوغلی ملا احمدك بش سنه مدته کورکه قولسنه دأر لازستان سنجاغی بدایت محکمه سی جزا دأره سندن ایکنجی دفعه اوله رق و بریلان ۶۶ نومروی اعلام محکمه تمیز جزا دأره سنجه تصدیق اولمشدر.

کرداملك قریه سی اهالیسندن صوفی بکر اوغلی عارف بن محمدی قتل ایتمسندن دولای جنبایله اتهام اولنان محمد بن طورسونك اون بش سنه مدته کورکه قولسنه دأر معموره العزیز ولایتی استیناف محکمه سی جزا دأره سندن ایکنجی دفعه اوله رق و بریلان ۵۷ نومروی اعلام محکمه تمیز جزا دأره سنجه تصدیق اولمشدر.

خطیب علی افندیك کیفیت قتلندن دولای جنبایله اتهام اولنان کلیچ قریه لی حسین بن امینك اون بش سنه مدته کورکه قولسنه دأر ارزنجان سنجاغی بدایت محکمه سی جزا دأره سندن و بریلان ۸ نومروی اعلام محکمه تمیز جزا دأره سنجه تصدیق اولمشدر.

اوره کوی قصبه سنك متره بولیدمجلسی اهالیسندن صولتانونك نهارد خانم سی دیوارندن آشورق بالدخول اقمه سی سرقت ایتملندن دولای جنبایله اتهام اولنان محله مذکورلی بنا بوط ولد زینشو و بولوبنت ابوستولك اوچر سنه مدته کورکه قوللرینه دأر ادرنه ولایتی استیناف محکمه سی جزا دأره سندن و بریلان ۲۷۵ نومروی اعلام محکمه تمیز جزا دأره سنجه تصدیق اولمشدر.

بکس قریه سندن حافظ محمد اوغلی احمدی مشترکا و اخفاقاً قتل ایتملندن دولای جنبایله اتهام اولنان قریه مذکورلی علی بن علی و برادری مصطفی و ابراهیم بن حسن و برادری عثمانك اون بشر سنه مدته کورکه قوللرینه دأر قونیه ولایتی استیناف محکمه سی جزا دأره سندن ایکنجی دفعه اوله رق و بریلان ۵۸۱ نومروی اعلام محکمه تمیز جزا دأره سنجه تصدیق اولمشدر.

اشقودرلی حیدرعلوی قتل ایلدیکی ادعا قلمسندن

دولای جنبایله اتهام اولنان حسن بویجهك حین ایقاع جرمده اون دت یاشنده بولمسنندن ناشی قر قنچی ماده قانونیه توفیقاً بش سنه کورکه قولسنه ویدی سنه ضابطه نظارتی آلتده بولندیرلمسند دأر اشقودره ولایتی استیناف محکمه سی جزا دأره سندن ایکنجی دفعه اوله رق و بریلان ۲۳ نومروی اعلام محکمه تمیز جزا دأره سنجه تصدیق اولمشدر.

شیللی قاترینه بنت واسیلک کیفیت قتلندن دولای جنبایله اتهام اولنان نیقولی ولد ابوستولك اون بش سنه مدته کورکه قولسنه دأر درسعادت جنایت محکمه سندن و بریلان ۱۹۱ نومروی اعلام محکمه تمیز جزا دأره سنجه تصدیق اولمشدر.

عمر کهیمالك قاتلی خالویه انشی قتلده معاویت ایتمسندن دولای جنبایله اتهام اولنان رسول بن احمدك اوچ سنه مدته کورکه قولسنه دأر دیاربکر ولایتی استیناف محکمه سی جزا دأره سندن و بریلان ۲۲۳ نومروی اعلام محکمه تمیز جزا دأره سنجه تصدیق اولمشدر.

۱۶۸ نومروی نسخه ده مندرج درسعادت جنایت محکمه سی اعلامنك مابعدی :

بك اوغلنده تیوتی زقاغنده عومخانه جی یکریمی بش یاشنده ملت موسویه دن رجینه نام دیگر ماری بنت رفاثل التي یدی سنه مقدم براقشام لوئیک یواد خانه سنده برکورتلی ایتمشکه باقیدغنده واسیلک لوئی به اطاله لسان ایدرک برتوقات اورمسیله لوئیکده واسیله ایکی توقات اوردیغنی کوردیکنی بیان و اخبار ایتدی.

بو شاهده نك شهادته ده یه چکی لوئیدن صورلد قده برده چکی اولدیغنی سوبلدی . ضرب فعلندن طولای جلب ودعوت اولنان شاهدلردن بك اوغلنده تیوتی زقاغنده عومخانه جی مقروهینك خانه سنده سرمایه اون سکر یاشنده ماری بنت یاقو وینه مذکور زقاغده مالوبانك عومخانه سنده سرمایه اون سکر یاشنده دیگر ماری بنت اندونك بولنه مدقلری جلبنامه لری زبرنده محرر شرحدردن اكلاشمغله معاون مومی الهیك طلیله مزبور لرك افاده مضبوطه لریك قرائت ایتدیرلمسند متفقاً قرار و بریله رك بالقتهم مزبور لرك افاده لری اوقوتدیرلد قده بولردن ماری بنت یاقونك وقعه کیجه سی متوفی واسیل قصاب ابوستول ایله سکر حال اوله رق لوئیک بیراخانه سنه کلوب عشرت ایتدکدن صکره واسیلک مشروبات بدلی و برمامك ایستمی اوزرینه لوئی ایله مرقوم واسیل ییتده منازعه ظهور ایدرک لوئیک

واسیله برقاچ توقات اوردیغنی و دیگر ماری بنت اندونك ده واسیل ایله ابوستول سکر حال اوله رق لوئیک بیراخانه سنه کلوب کورتلی ایتدکری صروده واسیلک لوئی به اطاله لسان ایتمسیله لوئیک واسیله تواقه ایکی دفعه اوردیغنی کوردکری خبر و ردکری اكلاشلدی .

لدی السؤل مرقوم لوئی واسیل ضرب ایتدیکی و ماری قادینلرك افاده لرینه برده چکی اولدیغنی درمیان ایتدی . واقع اولان استیضاح اوزرینه متهملردن لوئیک وکیلی سلم حسنی افندی مقدما قاعه ایتدکری مدافعه شهودندن اولوب طرفلرندن کتوریه چکی بیان ایدلش اولان سقراط ایله ژان بایست لومباردونك جلب واستاعلری طلبندن موکلی فراغت ایتمکده اولدیغنی کچی کندی طرفلرندن دخی کتوریه میبه چکندن مرقومانك محاکمه جلب ایدلرینی یه طلب ایتمسیله بوبایده کی مطالعه سی صوریلان معاون مومی ایله مادامکه متهم اقامه ایتدیکی شاهدلرك جلی طلبنده اصرار ایدبور شوخالده مرقومان ژان بایست وسقراطك محکمه جه جلبلری لازم کله چکنی درمیان ایتمکله لدی المذاکره متهم اقامه ایتدیکی مدافعه شاهده.

لرینك جلب واستاعلری طلبنده اصرار ایتمکده ایدو . کندن جانب محکمه دن مرقومان ژان بایست لومباردو وسقراطه جلبنامه کوندیرلمسند و محاکمه ک یوم آخره تعلیقنه متفقاً قرار و بریلوب تموزك بشنچی بخشنده کونی متهملر توقیفخانه دن کتوریه لرك وکیللری سلم حسنی و خیارسوم افندیلر واستیناف مدعی عومیلکی باش معاونی حیدر بك ومدعی شخصی راشد افندی حاضر اولدقلری حالده محاکمه صالونه جیقپله رق لدی التحری ژان بایستك ورود ایتدیکی وسقراطك دخی بولنه مدیغنی اكلاشلدی.

واقع اولان استیضاح اوزرینه متهملردن لوئی جلبلی طلب ایتدیکی شاهدلردن ژان بایست حریق زمانی سیغورطه نك مفسوخ اولدیغنی و دکانده بش التي یوز لیرالق مال بولندیغنی سوبله چکنی و ژان بایست ایله سقراطی کندوسی محکمه یه کتوره چکنی و برقاچ کون مهل اعطاسنی طلب ایتمکله لدی المذاکره . انجیلر ایله تحت اختلافده اولان شاهده جلی ماده سی حالا فصل اولنه مدیغندن و تبعه اجنبیه دن اولان ژان بایستك محکمه جه جلبی قابل اوله میبه چکی اكلاشلدیغندن و دیگر یه بولنه مدیغندن مرقوم لوئیک شاهدلرینی طلبی وجهله کتورمسی ایچون کندوسینه اون کون مهل قطعی و برلمسند و کتورمیدکی صورنده ایجابنه باقلمسند متفقاً قرار و بریله رك تموزك اون بدیغنی صالی کونی متهم دیمستوقلی ولونی علی الاصول

مدکدن بشقه کتورمسی ایچون و بریلان مساعده اقتضا ایتدیکنه ابتداء اترق مرقومانك جلبلری حقتده امکان مساعد ومحل اولدیغنه قرار و بریله رك اكلادلدی .

حریق ماده حاضر سنه وقعه دن خبری اولدقلری استخبار قذان عارف حکمت واحد وشفیق بکر ایله نوری افندیك اظهار حقّه مدار اولوق اوزره جانب ریاستدن جلب واستاعلری تنسیب ایدلمکله محاکمه یوم آخره تعلیق ایدیلرک اغستوسک یکریمی ایکنجی چهارشنبه کونی متهم دیمستوقلی ولونی علی الاصول توقیفخانه دن کتوریه لرك لوئیک وکیلی مصطفی عارف بکک سلانیکده اولدیغنی خبر و برلمسند مینی مرقوم لوئیک قبول وموافقته وکیل تعیین قذان واوراق دعوائی محکمه قلمنده مطالعه ایدرک مدافعه یه مهیا ایدوکنی سوبیلان محکمه زردنده مستخدم دعوی وکیللرندن خلیل ابراهیم و دیمستوقلینك وکیلی خیار سوم ومدعی شخصی راشد افندیلر واستیناف مدعی عومیلکی باش معاونی حیدر بك افندی موقع مخصوصلرند اولدقلری حالده محاکمه علنیبه دوامله کچن محاکمه ده جانب ریاستدن اظهار حقّه مدار اولوق اوزره جلبلری تنسیب ایدیلوب دعوت واقعه یه اتباعاً ورود ایتدکری خبر و بریلان کسان برر بر حضور محکمه یه چیقاریلر رق لدی السؤل متهملر ایله مدعی شخصی راشد افندی به قرابت ومناسبت و خصوصتلی اولدیغنی اكلاشلدقندن و کندولرینه اخطارات لازمه ایفا قاندقندن صکره منفرداً استماع اولندقلرند بولردن بك اوغلنده قصابلی ایدن یمش سکر یاشنده ازکریلی کرپاقو ولد قسطنی زمان حریقده کندوسی اوقوده اولدیغندن حریقک نه صورته ایقاع ایلدیکیکی بیلمدیکی و محترق دکانده مستأجر دیمستوقلی اولوب لوئیک اورناقاغندن معلوماتی اولدیغنی سوبلدی .

بك اوغلنده توتونچیلک ایدن اوتوز التي یاشنده نیقولوغوس ولد نیقولی زمان حریقده حریق محلنده بولندیغنی و محترق دکانه بردقه کیشمش ایسه ده دروننده کی مالک قیمتی تخمین ایده میه چکنی بیان ایتدی .

(مابعدی کله چک نسخه یه)

طوبخانه ده فیروز اغا محله سنده ساکن مصطفایك عبده اغانك البسه سی سرقت ایلدیکیکی ثابت اولدیغندن بش آی حبسنه و ختام مدتند ضابطه جه کفالته بریطنه قوندیرمچی اوروسیدینك طلوبیه جی کرقوری ضرب ایلدیکیکی ثابت اولدیغندن برلیرا الهه رق مضروب و برلمسند

قیل بروننده سلیمان اغا خانه ده ساکن حق

بن مصطفایك یچی بن رضایی طاشانه جرح ایلدیکی اكلاشلدیغندن ایکی آی حبسنه

قاسم باشلی محمودک خلاف تنیه سلاح طاشیدینی ثابت اولدیغندن بش بشلک جزای تقدی اخذینه

نیقولی به تشهیر سلاح ایدن اسپرونك بریچی آی حبسنه

اوره کویلی آبوستولك قسطنی به اطاله لسان ایلدیکیکی ثابت اولدیغندن یکریمی درت ساعت حبسنه آندریانی ضرب ایدن بانفالتیده ساکن آرداشدن برلیرا الهه رق مضروب و برلمسند

اقمرالی کتوم قادیبه اطاله لسان ایدن صوفیلرده ساکنه نفاعه خاندن یارم لیرا جزای تقدی اخذینه علی افندیك مخفی فوآد افندی بی ضرب وفوآد افندیكده غلی افندی به اطاله لسان ایلدیکیکی ثابت اولدیغندن علی افندیك اون کون حبسنه وفوآد افندیکن یارم لیرا جزای تقدی اخذینه

حویار خاندنده ساکن قراوال اوغلی علقویه اطاله لسان ایلدیکیکی تحقق ایدن بیچقودن یارم لیرا جزای تقدی اخذینه

لاهلیده صوجیلیق ایدن اساعلیه اطاله لسان ایلان بیرامک یکریمی درت ساعت حبسنه

نورعثانیسه ده قهوه چیلک ایدن عمرک احمدی ضرب ایلدیکیکی ثابت اولدیغندن برلیرا الهه رق مضروب اعطاسنه

حاجی محمدك اوچ لیرانی طولاندیردینی اصولاً ثابت اولان کوچك مصطفی باشلی رضا افندیك درت آی حبسنه و برلیرا جزای تقدی اخذینه

توفیقک خلاف تنیه قار اویناندینی ثابت اولدیغندن مرقومدن بش بشلک جزای تقدی آلمسند غلطه لی احمدك دچی ضرب ایلدیکیکی ثابت اولدیغندن اون کون حبسنه

اسکی علی باشلی خالد بن اساعلیك روزبه اخافه قصدیله تشهیر سلاح ایلدیکیکی ثابت اولدیغندن یکریمی کون حبسنه

قاسم باشلی جمال افندیك محله آره سنده طابخیه انداخت ایلدیکیکی ثابت اولدیغندن بش کون حبسنه واون بشلک جزای تقدی آلمسند

البنك اموال منقوله سنه ایراث خسار ایدن عثماندن اون بش بشلک جزای تقدی آلمسند آدون ولد آتیموسک غازیوچی یانینك آره سی سرقت ایلدیکیکی ثابت اولدیغندن اوچ آی حبسنه و ختام مدت جزاییه سنده ضابطه جه کفالته بریطنه

اساعیل بن حسینك محمدی جرح ایلدیکیکی ثابت اولدیغندن ایکی آی حبسنه

علکسان ولد مانوقک روزك خانه سنه اجسام



صلبه آبدینی ثابت اولدیغندن اون بشلک جزای نقدی  
آلهرق بش کون حبسنه درسعات و بک اوغلی بدایت  
محکمه لری جزا دائره لرجه قرار ویرلشد.

## اعلانات

درسعات استیناف مدعی عمربیکلنده :

دیپلومه سی اولمدینی حالد اجرای طبابتله اسماعیل  
افدینک خسته و حامل بولنان زوجه سنه اسقاط جنینی  
موجب معالجات اعطا ایدرک اسقاط جنین اتسنه  
سبیت ویردیکی ادعاسیله مظنون علیه اولوب بعد  
الاستطاق امر بقایه فرار ایتش اولان اورتی بویلی  
ضعیف البیه قره صاجلی دوز آلی قره قاشلی قره  
الاکوزلی اوفق چکمه برونلی قره بیق وقره طوب  
صقاللی عادتا اغزی طوبجه چهره لی غایت اسمربکزی  
نبغه دولت علیه دن فرانسوا دومینک بریت ولدانجیلو-  
نک اصول محاکات جزائیة قانوننک مواد مخصوصه سی  
احکامه توفیقاً درسعات جنایت محکمه سنده محاکمه سی  
اجرا قلمق اوزره قانون جزانک یوزطقسان اوچنجی  
ماده سنک فقره اخیره سی موجبجه جنایتله اتهامه  
قرار ویرلدیکندن متهم مرقومک هر زرده کوریلور  
ایسه طوتیلوب محکمه مذکوره توقیفخانه سنه تسلیمی  
لازم کله چکی بالجله ضابطه عدلیه مأمورلرینک معلومی  
اولمق اوزره اشبواخذ وکرفت مذکره سی درسعات  
هیئت اتهامه سندن بالتظیم اعطا قلندی .

بیک اوچبوز اون یدی سنه سی مارتی اوائلنده  
اطه بازاری قضای مربوطاتندن اقبازی ناحیه سنک  
بیدیل طاهر بک قریه سنده متصرفاً ساکن بولمدینی  
خانه سنه عمدتاً آتش ویردرک احراق ایلدیکی ادعاسیله  
مظنون علیه اولوب غیرموقوف بولنان قریه مذکوره  
اهالیسندن اورتی بویلی قیرجه صاجلی صاری قاشلی  
الاکوزلی عادتا اغزی ورونلی وقریق وصاللی رنجیر  
اللی بش یاشنده زاقوننک اصول محاکات جزائیة  
قانوننک مواد مخصوصه سی احکامه توفیقاً  
اذمید بدایت محکمه سی جزا قسمنده محاکمه سی اجرا  
قلمق اوزره قانون جزانک یوزالتمش اوچنجی ماده سی  
موجبجه جنایتله اتهامه قرار ویرلدیکندن متهم  
مرقومک هر زرده کوریلور ایسه طوتیلوب محکمه  
مذکوره توقیفخانه سنه تسلیمی لازم کله چکی بالجله  
ضابطه عدلیه مأمورلرینک معلومی اولمق اوزره اشبو  
اخذ وکرفت مذکره سی درسعات هیئت اتهامه سندن  
بالتظیم اعطا قلندی .

ایکنجی تجارت محکمه سنده :

درعلیه ده نافع خانی اتصالنده کی دکانده تجارتله  
مشغول ایکن ایکنجی محکمه تجارتدن افلاسنه حکم  
اولنش اولان نشاسته سی بکر افدینک خصوصات  
افلاسیه سنک رؤیت و تسویه سی ضمننده دعوی  
وکیللرندن سامی افدی اصله سندیک تعین قلمش  
اولدیغندن مفلس مرقوم ذمتنده آله جنی اولانلرک  
قانوننامه تجارتک ۱۹۹ و ۲۰۰ نجی ماده لری موجبجه  
تحقیق دیون ایچون تاریخ اعلاندن اعتباراً یکرمی بر  
کون ظرفنده سنداتی محکمه کاتبه تسلیم ایللری  
ومدت مذکوره ختامندن صکره اوچ کونده یعنی  
۱۳۱۹ سنه سی جزیرانک اوچنجی صالی دردننجی  
چهارشنبه ویشنجی پنجشنبه کونلرندن ایکنجی محکمه  
تجارتک افلاس اوپه سنه کله رک سندیک افدی  
مواجهه سنده آله جقیرنی اثبات وقید وتصدیق  
ایتدیرملری ومدت مذکوره ده اثبات وجود ایده میان  
آله جقیرلر حقنده قانون مذکورک ۲۱۰ نجی ماده سنه  
توفیقاً ایقای معامله اولنه جنی اعلان اولنور .

قسطورنی بدایت محکمه سی تجارت قسمنده :

قسطورنیک بدستان اتصالنده کی دکانده مقیم  
قابلاتیان مهرانک ۳ نیسان سنه ۳۱۹ تاریخندن اعتباراً  
اعلان افلاسنه ومصالح افلاسیه نک رؤیت و تسویه سی  
ضمننده اعضای موقته دن احمد کامل افدینک روز  
قومیسر ویاقوبیان آرتین افدینک موقت سندیک  
تعینلرینه ومغازه سیله اشیای زائده بیتی سنک مهرلنسنه  
واوراق ودفاترنیک جلنه وبوباده کی قرارک موقه  
اجراسنه قسطورنی مرکز بدایت محکمه سی تجارت  
قسمندن قرار ویرلدیکندن قانوننامه تجارتک یوز  
یتمنجی ماده سی موجبجه دائمی سندیک انتخاب اولمق  
اوزره سنه حالیه شهر نیساننک یکرمی بدنجی جمعه  
ایرتسی کونی ساعت الی راده لرنده اصحاب مطلوبک  
محکمه مذکوره نک افلاس اوپه سنه کللری اعلان اولنور .

محکمه تجارت اجرا دائره سنده :

یواناکی آلیس اوغلنک خیارسومیان دده قوان  
شرکتی ذمتنده ایکنجی محکمه تجارتدن ویریلان  
وصورتی علی الاصول ۱۵ مارت سنه ۳۱۹ تاریخنده  
مرقوم خیارسومیان دده قوانه تبلیغ قلنسان ۱۲ مارت  
سنه ۳۱۹ تاریخ و ۸۳۳ نومرولی اعلام غیابی موجبجه  
آله جنی اولان اون سکر لیرا قرق الی غروشی فائض  
ومصارف محاکمه سیله برابر تاریخ اعلاندن اعتباراً  
طقسان برکون ظرفنده مرقوم خیارسومیانک موقع

اجرایه مراجعتله تسویه ایلسی وقانوناً قبوله شایان  
بردیجکی اولدینی حالد مدت مذکوره ظرفنده  
تحریراً بیسان ایتدیکی ویدی تسویه ایلدیکی تقدیرده  
حکم اعلامک اجرایی ومعامله قانونیه نک ایضایی  
طبیعی اوله جنی حقنده تنظیم اولان اشبو اخبارنامه  
مدیون مرقومک الیوم محل اقامتی مجهول اولمق  
ملاسه سیله اصول محاکمه حقوقیه قانوننک یکرمی التنجی  
ماده سنه توفیقاً مرقوم خیارسومیان دده قوانه تبلیغ  
اولنش عد اولمق اوزره محکمه تجارت اجرا دائره سی  
دیوانخانه سنه تعایق اولدینی کی غزله لرله دخی اعلاننه  
مبادرت قلندی .

دلبر قادینک طلعت افدی ذمتنده ایکنجی محکمه  
تجارت اعلامیه آله جنی اولان اچمه نک تسویه سیچون  
نورعنائیه جاده سنده ۳۷ و ۳۹ وکرچیخانه زقاغنده  
۱ و ۳ نومرولر ایله مرقم اون اوپه وبرصهرنج وبریو  
ومشتملات سائرینی حاوی و آلتنده کورجی وقهوه سی  
وجامه شویجی دکانلرینی محتوی شهری یدی یوزغروش  
ایجار کتوریر کارکیرخانده مدیون مومی الیهک متصرف  
اولدینی ربع حصه شایعه سی تاریخ اعلاندن اعتباراً  
اون بش کون صکره موقع مزایده یه قونیه جقندن  
اشتراسنه طالب اولانلرک ودها زیاده معلومات آلمق  
ایستیانلرک محکمه تجارت اجرا دائره سنه مراجعت  
ایللری اعلان اولنور .

قرتال قضای بدایت محکمه سی اجرا دائره سنده :

قرتال قصبه سی ساکنلرندن بقال بریکلی آقو-  
راکتیک صوغانلق قریه سی اهالیسندن متوفی قپوسر  
اوغلی حسین اغا ابن نظیف ذمتنده قرتال بدایت  
محکمه سندن معطی کسب قطعیت ایتش برقطعه اعلام  
وجاهی موجبجه مطلوبی اولان مبالغ معلومه نک تأمین  
استیفاسی ضمننده متوفای مرقومک بدرندن منتقل  
قریه مذکوره نک کول آلی نام موقنده کاش طرفلری  
متوفای مرقومک خانه و ترلاسی وخرمن محلی وطریق  
ایله محدود ادا متصرف اولدینی صرف ملک برقطعه  
بوستانده کی یکرمی درت حصه اعتباریه یدی سهم  
حصه شایعه سی حیز آلتنه آلهرق تاریخ اعلاندن  
بالاعتبار اون بش کون ختامنده موقع مزایده یه  
وضعیله فروخت ایدیله جکندن طالب اولوب بی  
سورمک ودها زیاده معلومات آلمق ایستیانلرک قرتال  
بدایت محکمه سی اجرا دائره سنه مراجعت ایللری اعلان  
اولنور .